



Broj: 01/04-11-1233-4/22

Sarajevo, 15.04.2022. godine

Na osnovu člana 70. stav (1) Zakona o javnim nabavkama BiH ("Službeni glasnik BiH", broj: 39/14), a u vezi sa članom 38. Statuta Grada Sarajeva ("Službene novine Kantona Sarajevo", broj: 34/08, - Prečišćeni tekst), gradonačelnica Grada Sarajeva, donosi:

O D L U K U
o izboru najpovoljnijeg ponuđača putem Konkurentskog zahtjeva

I

Prihvata se ponuda ponuđača JOBING d.o.o. ul. Grada Kalgarija br. 3., 71 000 Sarajevo, broj ponude: 04-III/22 od 28.03.2022. godine, za javnu nabavku „Usluge održavanja službenih prostorija Grada Sarajeva“ u postupku provođenja javne nabavke putem Konkurentskog zahtjeva.

II

Sa ponuđačem „JOBING“ d.o.o. Sarajevo, zaključit će se ugovor o pružanju usluga iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj: 01/04-11-1233-2/22 od 25.02.2022. godine pokrenut je postupak javne nabavke: "Usluge održavanja službenih prostorija Grada Sarajeva" putem Konkurentskog zahtjeva. Obavještenje o nabavci objavljeno je na portalu Agencije za javne nabavke broj: 1278-7-2-31-3-72/22 dana 21.03.2022. godine.

Sa portala Agencije za javne nabavke tendersku dokumentaciju preuzelo je 10 ponuđača.

U određenom roku za dostavljanje ponuda na protokol ugovornog organa zaprimljene su 2 (dvije) ponude i to:

JOBING d.o.o. Sarajevo i KULA MONT d.o.o. Zenica.

Stalna komisija za javnu nabavku imenovana Rješenjem gradonačelnice, broj: 01/04-11-419/22 od 18.01.2022. godine izvršila je javno otvaranje ponuda dana 29.03.2022. godine.

Nakon otvaranja ponuda, izvršena je detaljna analiza prispjelih ponuda te je utvrđeno da su oba ponuđača dostavila ponude u skladu sa tenderskom dokumentacijom, odnosno uslovima koji su navedeni u istoj.

Komisija je utvrdila cijene prispjelih ponuda, redoslijedom kako su zaprimljene na protokol ugovornog organa i to kako slijedi:

1. KULA MONT d.o.o. Zenica.....400,00 KM bez uračunatog PDV-a,



2. JOBING d.o.o. Sarajevo100,00 KM bez uračunatog PDV-a.

Obavještenjem o nabavci kao i tenderskom dokumentacijom u ovom postupku nabavke, ugovorni organ je predvidio provođenje **e-aukcije**, putem Agencije za javne nabavke za ponuđače koji su dostavili prihvatljive ponude odnosno ponude u skladu sa tenderskom dokumentacijom.

Prije provođenja e-aukcije, a u skladu sa Uputstvom za pripremu modela tenderske dokumentacije i ponuda, i to člana 17. stav 7. kojim se predviđa da: ugovorni organ obavezno od ponuđača traži objašnjenje cijene ponude koju smatra neprirodno niskom, Komisija za javne nabavke je ponuđaču Jobing d.o.o. uputila poziv od 30.03.2022. godine za pojašnjenje neprirodno niske cijene.

Pojašnjenje je dostavljeno u skladu sa rokom traženim od strane Komisije - 04.04.2022. godine.

Jobing d.o.o. dostavio je opravdanje ponuđene cijene navodeći da je: „Obzirom na njihovu organizacionu struktru i vrstu poslova za koje su registrovani kao i činjenicu da vrše poslove održavanja zgrada na čitavom području kantona Sarajevo otvara im se mogućnost da pravovremeno i uz manje troškove vrše usluge iz predmetne nabavke.

U obrazloženju se navodi da i zbog činjenice o potrebi proširenja obima posla, a time i zadržavanja radnih mjesta, jer upošljavaju „osjetljive“ kategorije ljudi (demobilisani borci, RVI i sl.) je između ostalog doprinjelo opredjeljenju ponuđene cijene. Nakon obrazloženih navedenih razloga, može se zaključiti da je ponuđena cijena ekonomski opravdana, te da Komisija u ovom slučaju nema validnih razloga za odbacivanje obrazloženja dostavljenog od strane ponuđača Jobing d.o.o.

Nakon provedene **e-aukcije** te dostavljenog Izvještaja o toku i završetku **e-aukcije** od strane Agencije za javne nabavke, utvrđena je konačna rang lista ponuđača koji su učestvovali na e-aukciji i to kako slijedi:

1. JOBING d.o.o. Sarajevo**100,00 KM bez PDV-a**
2. KULA MONT d.o.o. Zenica.....**400,00 KM bez PDV-a**

Imajući u vidu naprijed navedeno, Komisija za javnu nabavku sačinila je Zapisnik o pregledu i ocjeni ponuda od 15.04.2022. godine te na osnovu kriterija najniža cijena, dala preporuku gradonačelnici da se ugovor za „Usluge održavanja službenih prostorija Grada Sarajeva, dodijeli ponuđaču „ Jobing d.o.o.“ Sarajevo, ulica Grada Kalgarija broj 3.,71 000 Sarajevo koji je nakon provedene e-aukcije dostavio najnižu cijenu u iznosu od 100,00 KM bez uračunatog PDV-a.

Vrijednost nabavke za period od 12 mjeseci iznosi 17.000,00 KM bez PDV-a. Usluge će se pružati sukcesivno u toku trajanja ugovora u zavisnosti od potreba ugovornog organa.

Ukupna vrijednost pruženih usluga u toku trajanja ugovora, ne može preći vrijednost ugovora.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Prihvatajući preporuku Komisije gradonačelnica Grada Sarajeva donosi ovu odluku.

POUKA O PRAVNOM LIJEKU:

Ponuđači koji su učestvovali u postupku javne nabavke mogu radi zaštite svojih prava i pravnih interesa u roku od 5 (pet) dana od prijema obavijesti (odluke) o izboru najpovoljnijeg ponuđača izjaviti žalbu ugovornom organu u dovoljnom broju primjeraka.

DOSTAVITI:

- Ponuđačima

- a/a

Gradonačelnica Grada Sarajeva



Doc. dr. Benjamina Karić